

MINISTARSTVO FINANSIJA**1093.**

Na osnovu člana 67. stav 3. i člana 68. stav 1. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i člana 18. stav 1. Zakona o trezoru u Federaciji BiH („Službene novine Federacije Bosne i Hercegovine“, broj: 26/16, 3/20 i 60/23), ministrica Ministarstva finansija Zeničko-dobojskog kantona, donosi

PRAVILNIK

o procedurama za povrat pogrešno ili više uplaćenih javnih prihoda sa Jedinštenog računa trezora Zeničko-dobojskog kantona

DIO I - OPĆE ODREDBE**Član 1.****(Predmet Pravilnika)**

Ovim pravilnikom uređuju se postupci i procedure za povrat i preknjiženja pogrešno ili više uplaćenih prihoda sa Jedinštenog računa trezora Zeničko-dobojskog kantona (u daljem tekstu: JRT) kojim raspolaže Ministarstvo finansija Zeničko-dobojskog kantona (u daljem tekstu: Ministarstvo finansija).

Član 2.**(Pojmovi i definicije)**

- (1) Pogrešno uplaćenim javnim prihodom smatra se prihod koji nije uplaćen na način propisan važećim zakonima i podzakonskim propisima kojima se reguliše način uplate i raspodjele javnih prihoda na nivou Federacije Bosne i Hercegovine, prihod koji ne pripada Budžetu Zeničko-dobojskog kantona (pogrešan depozitni račun), pogrešno uplaćen prihod na transakcijski račun Zeničko-dobojskog kantona (u daljem tekstu: Kanton) i prihod koji je pogrešno uplaćen usljed tehničke greške ovlaštene organizacije za obavljanje poslova unutrašnjeg platnog prometa (u daljem tekstu: ovlaštene organizacije).
- (2) Više uplaćenim javnim prihodom smatra se uplata koja je evidentirana na JRT u većem iznosu od propisane i utvrđene obaveze i uplata nastala uslijed pogrešnog unosa podataka od strane ovlaštene organizacije prilikom obrade naloga za uplatu.

(3) Više uplaćenim javnim prihodom smatra se i uplata koja je evidentirana na JRT u propisanom i utvrđenom iznosu obaveze, a koja je uplaćena za uslugu koja nije obavljena od strane nadležnog organa ili kada je zahtjev stranke odbijen konačnim upravnim aktom.

(4) Izuzetno od stava 1., 2. i 3. ovog člana, pod pojmom pogrešno uplaćeni prihod smatra se i prihod koji nije uplaćen na način propisan propisima i podzakonskim aktima koji su bili na snazi prije uspostavljanja JRT, a pod pojmom više uplaćeni prihod smatra se i uplata koja je izvršena u većem iznosu od propisane i utvrđene obaveze, u periodu prije uspostavljanja JRT, tako da uplata nije mogla biti evidentirana na JRT.

(5) Pod uplatiocem, u smislu ovog pravilnika, podrazumijeva se pravna ili fizička osoba koja je pogrešno ili više uplatila javni prihod na JRT.

DIO II - POVRAT POGREŠNO ILI VIŠE UPLAĆENIH JAVNIH PRIHODA**Član 3.****(Pokretanje postupka)**

Postupak za povrat pogrešno ili više uplaćenih javnih prihoda pokreće se na osnovu pisanog zahtjeva uplatiocaili ovlaštene organizacije koja je pogrešno obradila nalog za uplatu javnog prihoda.

Član 4.**(Podnošenje zahtjeva)**

- (1) Zahtjev za povrat pogrešno ili više uplaćenih javnih prihoda, i to:
 - a) **poreza i drugih javnih prihoda**, podnosi se ispostavi Porezne uprave Federacije Bosne i Hercegovine (u daljem tekstu: Porezna ispostava), nadležnoj prema sjedištu pravne osobe odnosno prebivalištu poreznog obveznika fizičke osobe (obrtnika i građana) i to za povrat onih javnih prihoda o kojima Porezna ispostava vodi analitičku evidenciju;
 - b) **naknade i administrativne takse**, podnosi se nadležnom organu uprave koji je naložio plaćanje naknade/takse ili za čiji je rad plaćena naknada/taksa ili na čiju budžetsku organizaciju je naknada uplaćena;

- c) **sudske takse i novčane kazne** koje izriču sudovi, podnosi se nadležnom sudu koji je predmet rješavao;
 - d) **novčane kazne i troškove prekršajnog postupka**, podnosi se organu koji je izrekao novčanu kaznu i utvrdio troškove prekršajnog postupka i
 - e) **članarine i ostali neporezni prihodi**, podnosi se korisniku tih prihoda.
- (2) U ostalim slučajevima pogrešno ili više uplaćenih javnih prihoda na JRT, zahtjev se podnosi Ministarstvu finansija ili organu uprave koji raspolaže relevantnom dokumentacijom vezano za pogrešnu uplatu sredstava.
- (3) Nakon prijema zahtjeva, organ uprave koji raspolaže relevantnom dokumentacijom vezanom za pogrešnu uplatu, a ne raspolaže evidencijama o uplati na JRT, iste može tražiti od Ministarstva finansija.

Član 5.

(Dokaz o izvršenoj uplati)

Uz zahtjev iz člana 4. ovog pravilnika prilaže se dokaz o izvršenoj uplati (kopija naloga za uplatu, dnevni izvod sa računa, akt tijela kojim je naloženo plaćanje, prekršajni nalog, rješenje i sl.) i drugi dokazi predviđeni zakonom i drugim propisima kojima se reguliše prihod koji je pogrešno ili više uplaćen.

Član 6.

(Donošenje rješenja o utvrđivanju pogrešno ili više uplaćenih javnih prihoda)

- (1) Nadležno tijelo iz člana 4. ovog pravilnika na osnovu analitičke evidencije i dokumentacije kojom raspolaže i dokumentacije priložene uz zahtjev uplatioca u skladu sa odredbama Zakona o upravnom postupku, drugim zakonima i propisima kojima je regulisan taj prihod, donosi rješenje o utvrđivanju pogrešno ili više uplaćenog javnog prihoda.
- (2) Izrekom rješenja iz stava (1) ovog člana utvrđuju se sljedeći podaci i činjenice:
- a) naziv pravne osobe odnosno obrtnika, ime i prezime fizičke osobe, mjesto i adresa;
 - b) visina pogrešno ili više uplaćenog javnog prihoda;
 - c) svi podaci o pogrešnoj i ispravnoj uplati (šifru prihoda i općine; datum više ili pogrešno uplaćenih prihoda);
 - d) broj budžetske organizacije, ako se radi o vlastitim prihodima budžetskih korisnika,

- e) identifikacijski broj za pravne osobe odnosno obrtnike, jedinstveni matični broj za fizičke osobe i
- f) broj računa i naziv banke kod koje je račun otvoren.

- (3) Izreka rješenja iz stava (1) ovog člana može sadržavati i druge podatke za koje se u toku postupka utvrdi da su bitni za izvršenje povrata pogrešno ili više uplaćenih javnih prihoda sa JRT-a.

Član 7.

(Dostava rješenja o utvrđivanju pogrešno ili više uplaćenih javnih prihoda, povrat pogrešno ili više uplaćenih javnih prihoda)

- (1) Nadležno tijelo iz člana 4. ovog pravilnika po izvršnosti donesenog rješenja o utvrđivanju pogrešno ili više uplaćenih javnih prihoda, dužno je rješenje i dokaz o izvršenoj uplati dostaviti Ministarstvu finansija radi izvršenja povrata sa JRT-a.
- (2) Povrat pogrešno ili više uplaćenih javnih prihoda vrši se sa JRT, na račun uplatioca ili račun ovlaštene organizacije.
- (3) Izuzetno od stava (2) ovog člana, povrat pogrešno ili više uplaćenih prihoda za troškove sudskog vještačenja može se izvršiti i na depozitni račun nadležnog suda.

- (4) Ministarstvo finansija u skladu sa svojim nadležnostima, može zahtjevati od nadležnog organa iz člana 4. ovog pravilnika, da dostavi spis predmeta na osnovu kojeg je doneseno rješenje o utvrđivanju pogrešno ili više uplaćenog javnog prihoda.

Član 8.

(Provjera uplate i podataka, donošenje rješenja kojim se odbija povrat, zaključka kojim se obustavlja postupak povrata)

- (1) Ministarstvo finansija po prijemu rješenja iz člana 6. ovog pravilnika i dokaza o izvršenoj uplati, provjerava da li je pogrešno ili više uplaćen javni prihod evidentirani na JRT, te da li su izrekom rješenja utvrđeni i tačni svi podaci potrebni za donošenje rješenja o odobravanju povrata pogrešno ili više uplaćenog javnog prihoda sa JRT-a.
- (2) Ukoliko se utvrdi da pogrešno ili više uplaćen javni prihod, nije evidentirani na JRT, Ministarstvo finansija donosi rješenje kojim se odbija povrat.

- (3) Ukoliko se nakon izvršene provjere uvidom u dokumentaciju i evidenciju sa kojom raspolaže trezor, utvrdi da su sredstva pogrešno ili više uplaćenih javnih prihoda bila uplaćena i evidentirana na JRT, a nakon toga ista raspoređena i prebaćena u 100% iznosu u budžete općina i gradova sa područja Kantona, u skladu sa posebnim propisima za pojedine vrste prihoda (porez na promet nekretnina, porez na imovinu, naslijeđe i poklon i drugi 100% općinski i gradski javni prihodi), Ministarstvo finansija će rješenje o utvrđivanju pogrešno ili više uplaćenih sredstava iz člana 6. ovog pravilnika, koje je dostavljeno od strane nadležnih organa iz člana 4. ovog pravilnika, dostaviti na nadležno postupanje općini ili gradu sa područja Zeničko-dobojskog kantona na čiji depozitni račun su sredstva pogrešno ili više uplaćenih javnih prihoda raspoređena i prebaćena u 100% iznosu, kako bi isti izvršili povrat pogrešno ili više uplaćenih sredstava na račun podnosioca zahtjeva, odnosno uplatioca pogrešno ili više uplaćenih sredstava.
- (4) U slučaju da podaci navedeni u izreci rješenja iz člana 6. ovog pravilnika, nisu tačni niti dovoljni za donošenje rješenja o odobravanju povrata pogrešno ili više uplaćenog javnog prihoda sa JRT, Ministarstvo finansija može zahtjevati od uplatioca ili nadležnog organa iz člana 4. ovog pravilnika, dostavljanje potrebnih podataka.
- (5) Ukoliko uplatioc ili nadležni organ iz člana 4. ovog pravilnika, ne dostave potrebne podatke u roku od 60 dana, Ministarstvo finansija će donijeti zaključak kojim obustavlja postupak povrata pogrešno ili više uplaćenog javnog prihoda sa JRT-a, protiv kojeg se može pokrenuti upravni spor.

Član 9.

(Rješenje o odobravanju povrata pogrešno ili više uplaćenih javnih prihoda sa JRT)

- (1) Na osnovu rješenja o utvrđivanju pogrešno ili više uplaćenih prihoda iz člana 6. ovog pravilnika i ostale raspoložive dokumentacije, Ministarstvo finansija, u skladu sa važećim zakonom o izvršavanju proračuna, donosi rješenje o odobravanju povrata pogrešno ili više uplaćenih javnih prihoda sa JRT-a.
- (2) U slučaju kada zahtjev rješava Ministarstvo finansija, ovo ministarstvo, u skladu sa važećim zakonom o izvršenju budžeta, donosi rješenje o odobravanju povrata pogrešno ili više uplaćenih javnih prihoda sa JRT, na osnovu raspoložive dokumentacije i evidencije o izvršenoj uplati.

- (3) Izuzetno, od stava 1. i 2. ovog člana, Ministarstvo finansija za slučajeve predviđene članom 2. stav 4. ovog Pravilnika, donosi rješenje o odobravanju povrata pogrešno ili više uplaćenih prihoda sa JRT i onda kada nakon uvida u dokumentaciju i evidenciju kojom raspolaže trezor, utvrdi da podaci o uplati pogrešno ili više uplaćenog prihoda nisu evidentirani na JRT, jer je uplata pogrešno ili više uplaćenog prihoda izvršena prije uspostavljanja Jedinog računa trezora.

Ministarstvo finansija rješenje iz stava 3. ovog člana donosi na osnovu podataka utvrđenih u rješenju o utvrđivanju pogrešno ili više uplaćenih prihoda iz člana 6. ovog Pravilnika, donesenog od strane nadležnog organa iz člana 3. i 4. ovog Pravilnika, a na osnovu analitičke evidencije, dokumentacije sa kojom navedeni organ raspolaže i dokumentacije priložene uz zahtjev.

Član 10.

(Izdavanje naloga za povrat pogrešno ili više uplaćenih javnih prihoda)

- (1) Na osnovu rješenja iz člana 9. ovog pravilnika Ministarstvo finansija izdaje nalog za povrat pogrešno ili više uplaćenih javnih prihoda sa JRT-a.
- (2) Nalog za povrat pogrešno ili više uplaćenih prihoda sa JRT popunjava se u skladu sa Pravilnikom o načinu uplate javnih prihoda budžeta i izvanbudžetskih fondova na teritoriju Federacije BiH, koji potpisuju zakonom ovlaštene osobe.
- (3) Ukoliko uplatiocu nije moguće izvršiti povrat pogrešno ili više uplaćenih javnih prihoda sa JRT-a, zbog izmjene podataka navedenih u rješenju (tekući račun i sl.) iz člana 9. ovog pravilnika, te ukoliko uplatilac ne dostavi tačne podatke u roku 60 dana od dana prijema zahtjeva za dopunu podataka, pogrešno ili više uplaćen javni prihod smatrat će se prihodom budžeta Kantona.

Član 11.

(Povrat pogrešno ili više uplaćenih prihoda u tekućoj fiskalnoj godini)

- (1) Povrat pogrešno ili više uplaćenih javnih prihoda koji su uplaćeni u tekućoj fiskalnoj godini na depozitni račun vrši se sa depozitnog računa javnih prihoda Budžeta Kantona iz tekućeg priliva.
- (2) Izuzetno od stava (1) ovog člana, ukoliko na vrsti prihoda, sa koje se vrši povrat pogrešno ili više uplaćenih javnih prihoda, a koja 100% pripada kantonu, nema sredstava u tekućem prilivu na poziciji s koje je potrebno izvršiti povrat ili je priliv manji od visine

povrata u periodu dužem od 60 dana i za koji se procjenjuje da do kraja tekuće godine neće biti dovoljno sredstava, povrat se može izvršiti sa transakcijskog računa.

- (3) Izuzetno od stava (1) i (2) ovog člana, povrat pogrešno ili više uplaćenih prihoda po osnovu vlastitih prihoda koji su uplaćeni na depozitni račun Zeničko-dobojskog kantona u tekućoj fiskalnoj godini vrši se sa transakcijskog računa javnih prihoda budžeta Zeničko-dobojskog kantona, a evidencija o knjiženju se provodi putem konta razgraničenih prihoda.

Član 12.

(Povrat pogrešno ili više uplaćenih javnih prihoda sa transakcijskog računa)

Povrat pogrešno/više uplaćenih prihoda koji su uplaćeni u tekućoj fiskalnoj godini na transakcijski račun vrši se sa transakcijskog računa iz tekućeg priliva po proceduri koja je utvrđena u ovom Pravilniku.

Član 13.

(Povrat pogrešno ili više uplaćenih javnih prihoda koji nisu uplaćeni u tekućoj fiskalnoj godini)

Povrat pogrešno ili više uplaćenih javnih prihoda koji su uplaćeni u prethodnim godinama vrši se sa transakcijskog računa budžeta Zeničko-dobojskog kantona, i to sa određene pozicije rashoda planiranih budžetom za tekuću godinu.

Član 14.

(Rješenje o povratu pogrešno ili više uplaćenih javnih prihoda koji se dijele između korisnika)

- (1) Na osnovu rješenja nadležnog tijela iz člana 4. ovog pravilnika Ministarstvo finansija donosi rješenje o povratu pogrešno ili više uplaćenih javnih prihoda, koji se prema važećim propisima dijele u određenim postocima između korisnika prihoda: Federacije Bosne i Hercegovine, kantona, općina i ostalih korisnika javnih prihoda.
- (2) Izvršno rješenje iz stava (1) ovog člana Ministarstvo finansija dostavlja nadležnim korisnicima prihoda na daljnji postupak radi realizacije.

Član 15.

(Povrat više ili pogrešno uplaćenog poreza na dohodak)

- (1) Povrat više ili pogrešno uplaćenog poreza na dohodak vrši se na osnovu rješenja o povratu poreza kojeg utvrđuje Porezna uprava, na tekući račun poreskog obveznika.

- (2) Ministarstvo finansija u postupku povrata više ili pogrešno uplaćenog poreza na dohodak utvrđuje odnos raspodjele između kantona, gradova i općina, o čemu sačinjava posebnu obavijest.

- (3) Primjerak obavijesti iz stava 2. ovog člana dostavlja se računovodstvu Ministarstva finansija i gradu ili općini na čijem području se nalazi prebivalište poreskog obveznika, zajedno sa kopijom rješenja porezne uprave na čijem području se nalazi prebivalište poreskog obveznika.

Član 16.

(Rješenje o povratu pogrešno ili više uplaćenih javnih prihoda sa podračuna)

Povrat pogrešno ili više uplaćenih prihoda sa posebnih računa za prikupljanje javnih prihoda vrši se po proceduri koja je utvrđena u ovom pravilniku.

Član 17.

(Povrat sredstava zbog pogrešnog unosa podataka ovlaštene organizacije)

Povrat pogrešno ili više uplaćenih javnih prihoda, koji je nastao zbog pogrešnog unosa podataka ovlaštene organizacije, prilikom obrade naloga za uplatu, vrši se po proceduri koja je utvrđena ovim pravilnikom.

DIO III - PREKNJIŽENJE POGREŠNO ILI VIŠE UPLAĆENIH JAVNIH PRIHODA

Član 18.

(Preknjiženje)

Samo prihodi koji su uplaćeni u tekućoj godini na pravilan depozitni račun za prikupljanje javnih prihoda budžeta Kantona, ali na pogrešnu vrstu prihoda ili s pogrešnom statističkom oznakom općine ili budžetske organizacije, po zahtjevu uplatioca ili budžetskog korisnika mogu se preknjižiti.

Član 19.

(Postupak preknjiženja pogrešno ili više uplaćenih javnih prihoda)

- (1) Zahtjev za preknjiženje pogrešno uplaćenog prihoda podnosi se nadležnom tijelu u skladu sa odredbama člana 4. ovog pravilnika.
- (2) Zahtjev sadrži: naziv uplatioca i matični ili identifikacijski broj uplatioca, iznos uplate i datum pogrešne uplate.

- (3) Uz zahtjev se prilaže dokaz o izvršenoj uplati (kopija naloga za uplatu, dnevni izvod sa računa, akt tijela kojim je naloženo plaćanje, prekršajni nalog, rješenje i sl.).
- (4) Na osnovu obavijesti ili zahtjeva nadležnog tijela iz stava (1) ovog člana i dokumentacije kojom raspolaze, Ministarstvo finansija donosi Rješenje o preknjiženju.
- (5) Preknjiženje vrše Odsjek za planiranje i izvršenje budžeta i Odsjek za računovodstvo Ministarstva finansija.

1094.

Na osnovu člana 67. stav 3. i člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), a u vezi sa članovima 67., 68. i 69. Pravilnika o knjigovodstvu budžeta u Federaciji Bosne i Hercegovine („Službene novine Federacije BiH“, broj: 60/14 i 99/23) i odredbi člana 10. stav (2) Pravilnika o popisu imovine, obaveza i potraživanja („Službene novine Zeničko-dobojskog kantona“, broj: 20/22) ministrica Ministarstva finansija Zeničko-dobojskog kantona, donosi slijedeće

DIO IV - PRELAZNE I ZAVRŠNE ODREDBE

Član 20.

(Rješavanje zaprimljenih zahtjeva)

Zahtjevi za povrat i preknjiženje pogrešno ili više uplaćenih javnih prihoda, koji su zaprimljeni, a nisu riješeni do dana stupanja na snagu ovog pravilnika, rješavat će se po odredbama ovog pravilnika.

Član 21.

(Prestanak važenja propisa)

Danom stupanja na snagu ovog pravilnika prestaje važiti Pravilnik o procedurama za povrat više ili pogrešno uplaćenih javnih prihoda sa Jedinstvenog računa trezora Zeničko-dobojskog kantona ("Službene novine Zeničko-dobojskog kantona", broj: 6/05, 8/12 i 6/23).

Član 22.

(Stupanje na snagu)

Ovaj pravilnik stupa na snagu danom donošenja i objavit će se u "Službenim novinama Zeničko-dobojskog kantona".

Broj: 07-02-19018-2/24
Datum: 21.11.2024. godine
Zenica

MINISTRICA

Dženana Čišija s.r.

UPUTSTVO

o radu popisnih komisija i obavljanju popisa imovine, obaveza i potraživanja na dan 31.12.2024. godine

DIO PRVI - OPĆE ODREDBE

Član 1.

(Predmet)

Ovim uputstvom određuje se način rada i poslovi, koje su dužne da obave komisije za popis i odgovorni zaposlenici, prilikom vršenja popisa stanja imovine, obaveza i potraživanja na dan 31.12.2024. godine, u skladu sa Pravilnikom o popisu imovine, obaveza i potraživanja („Službene novine Zeničko-dobojskog kantona“, broj: 20/22), (u daljem tekstu: Pravilnik o popisu) kod svih budžetskih korisnika Zeničko-dobojskog kantona za 2024. godinu (u daljem tekstu: budžetski korisnici).

DIO DRUGI - PROVOĐENJE POPISA

Član 2.

(Nadležnosti komisija)

- (1) Popisna komisija u skladu sa rokovima utvrđenim rješenjima Vlade Kantona, pristupa popisu stanja na dan 31.12.2024. godine:
- stalnih sredstava u obliku stvari, prava i razgraničenja,
 - novčanih sredstava (žiro računa, blagajne, administrativnih taksi, plemenitih metala),
 - zaliha materijala, robe i sitnog inventara,
 - potraživanja i plasmana, kratkoročnih i dugoročnih obaveza, razgraničenja i kapitala,